

## ZAKLJUČCI

Skupštine Društva geodetskih inženjera i geometara BiH održane

5. IV 1969. god.

Okupljeni na redovnoj skupštini geodetski stručnjaci BiH svjesni važnosti i odgovornosti svoje uloge u privrednom životu naše zemlje i željni da daju svoj maksimalni udio u razvoju privrednog života svoje Republike smatraju da u narednom periodu svoj rad treba prvenstveno usmjeriti na slijedeće zadatke:

1. Organizaciono učvrstiti naše društvo aktiviranjem podružnica, okupljanjem u članstvo što većeg broja geodetskih stručnjaka - posebno mlađih i obezbjeđenjem većih finansijskih sredstava /redovnijim prikupljanjem članarine i priloga od privrednih organizacija i ustanova u kojima rade geodetski stručnjaci/;
2. Pozdravljajući prijedlog osnivanju stručnog savjeta pri Republičkoj geodetskoj upravi treba nastojati da do njegovog formiranja što prije dodje, pa će se na taj način veći broj kvalifikovanih geodetskih stručnjaka uključiti u kreiranje politike razvitka struke i njene djelatnosti;
3. Nagli razvoj tehnike uslovljava veće stručno obrazovanje geodetskih kadrova. Zbog toga treba nastojati da se što veći broj geodetskih stručnjaka doškoluje putem redovnog ili vanrednog studija.
4. Obzirom na sve veći značaj i ulogu geodetske službe u komuni treba preko odgovarajućih organa poduzeti mjere da se ove službe organizuju u duhu već donijetih propisa i popune odgovarajućim kadrom i svim ostalim što je potrebno da bi ta služba mogla uspješno obavljati svoje zadatke;
5. Pružiti svu potrebnu pomoć geodetskim organizacijama na proširenju njihovih kapaciteta, a naročito u nabavci opreme i poboljšanju smještaja /radne prostorije/;
6. U što kraćem roku izraditi analize cijena geodetskih radova pri čemu uzeti u obzir proširenu reprodukciju i školovanje i doškolovanje postojećih kadrova;
7. Organizirati šire sastanke sa geodetskim stručnjacima na kojima bi se proanalizirao "Program premjera i izrade katastra zemljišta za period 1971-1975. godine" i način njegovog finansiranja;

8. Odgovarajućim organima pružiti pomoć i nastojati da se što prije donesu propisi o evidentiranju i održavanju katastra podzemnih instalacija;
9. Kod nadležnih organa pokrenuti pitanje donošenja Zakona o komasaciji zemljišta.

S K U P Š T I N A

Društva geodetskih inženjera i  
geometara BiH

## Simpozijum o geodetskoj djelatnosti i inventarizaciji prostora

\*Neki detalji sa sastanka GIG-a Jugoslavije

### TEZE REPUBLIČKIH SAVEZA

U Novoj Gradišci održan je sastanak 7. i 8. novembra Saveza GIG-a Jugoslavije.

Na tom sastanku između ostalog bilo je govora o pripremama za Simpozijum o geodetskoj djelatnosti u inventarizaciji prostora.

Odlučeno je da se Savjetovanje održi na Bledu 23. i 24. IV 1970.godine.

Uz ovo Savjetovanje predviđeni su i jednodnevni i dvodnevni izleti po Sloveniji i u susjedne zemlje.

Izrada referata i koreferata za ovo Savjetovanje je u toku.

Ukoliko neko od naših članova iz Saveza SR BiH želi da učestvuje sa referatom ili koreferatom, isti treba da završi i pošalje našem Savezu najkasnije do 1.II 1970.godine.

Referati i koreferati koji stignu iza ovoga roka, neće se moći štampati o trošku Saveza, već će to morati učiniti sami referenti ili njegova organizacija i to u 500 primjeraka.

Nedavno nam je stigao od GIG-a Jugoslavije i jedan spisak tema koje bi se mogle obraditi pored glavnih referata za Simpozijum o geodetskoj djelatnosti u inventarizaciji prostora.

Evo tih tema:

- Tematska kartografija kod inventarizacije prostora.